

19555

ՇԱՀԱՆ ՆԱԹԱԼԻ

ԱՍԼԱՆ ԲԵԿ

Ոգրերգութիւն երեք տարւած



1918

ԲՕՍՏԸՆ

«Հայրենիք»ի Տպարան

891.99

Ը-16

6-16

17



ՇԱՀԱՆ ԿԱԹԱԼԻ

ԱՍԼԱՆ ԲԵԿ

Ողբերգություն 3 արարած



1918

ԲՕՍՏԸՆ

«Հայրենիք» Տպարան

10.07.2013

19599

Aslan Beg

Tragedy in 3 Acts

by

Shahan Natalie

1918

Boston, Mass.

Hairenik Press

6737-87

19555



Գ Ո Ր Ծ Ո Ղ Ա Ն Ձ Ե Ր

ՕՍՄԱՆ ԲԵԿ — 50 տարեկան

ԱՍԼԱՆ ԲԵԿ — 25 տարեկան

ԱՅԻՇԷ ՀԱՆԸՄ — Օսման բեկի առաջին
կինը, 40 տարեկան

ՃԷՄԻԼԷ ՀԱՆԸՄ — Օսման բեկի վերջին
կինը, 21 տարեկան

ԱԼԻ ԷՖԵՆՏԻ — 50 տարեկան, Օսման բե-
կի հին բարեկամը, բանգէտ ու փորձ
առու մարդ

ՀԻԻՍԷՅՆ — Ասլան բեկի հաւատարիմ
խօլամը

ՀԱՍԱՆ — Օսման բեկի խօլամներէն

ԳՆԶՈՒՀԻ ՄԸ

ՄԱՅՐ ՄԸ

ԱՂՋԻԿ ՄԸ

ԱՂԱԽԻՆՆԵՐ, ՏՂԱՄԱՐԳԵՐ, ԿԻՆԵՐ,
ՄԱՆՈՒԿՆԵՐ, ԺԱՆԴԱՐՄՆԵՐ :

Անցքը տեղի կ'ունենայ Թուրքիայի հայա-
բնակ մէկ գիւղին մէջ, 1915-ի հայկական տե-
ղահանութիւններու ատեն :

Բոլոր իրաւունքները
վերապահուած են հեղինակին

ԱՐԱՐԻԱԾ Ա.

ՏԵՍԱՐԱՆ Ա.

Տեսարանն է Օսման բեկին տունը. արեւ-
ելեան ոճով ընդարձակ սենեակ մը : հորը, բե-
մին մէջտեղը բալկօն մը, որի վանդակապատ
փեղկերը բաց են. բալկօնը կը նայի բակին վը-
րայ. հեռուն կ'երեւին գիւղին տուները մուխ
ու ծուխի մէջ : Բալկօնին երկու կողմերը թըր-
ֆական ոճով վանդակապատ երկու պատու-
հաններ : Աջ և ձախ կողմի պատերուն վրայ
ոսփներ և պատերուն մէջ թաղած դէմ դէմի
հայելիներ : Աջ ու ձախ պատերուն վրայ, խո-
րը, կը բացւին երկու դուռեր : Եւ ոսփներուն
վրայ նարկիլէ և սուրնի ու թէյի ամաններ և
գաւաթներ : Պատերէն վար կախուած են զէն-
ֆեր, կեռ թուրեր, հրացաններ եւ ատրնանակ-
ներ : Աջ կողմի պատին վրայ դիւան մը, ծած-
կըւած թրֆական գորգով և բարձերով : Գե-
տինը ծածկուած է գորգերով : Ասդին անդին ա-
թոռակներ :

Վարագոյրը բացւելուն պէս ճէմիլէ անհոգ
երկնցած է դիւանին վրայ, մէկ ձեռքը սիկոէ-
թը կը մխայ, միւս ձեռքը գնչուհիին ափին

մէջ: Երկու աղախիմներ դիւանին ոտքը նըստած՝ ուշադիր կը հետեւին գնչուհիին:

ԳՆՁՈՒՀԻ

Մուխ . . . կրակ . . . նախանձ . . .
դա՛ւ . . . արիւն . . .

ՃԷՄԻԼԷ (անտարբեր)

Է՛, ուրի՛շ . . . ալ գէշ բան մնա՞ց . . . կարգա՛, կարդա՛, մի՛ վախնար, ըսէ, ինչ որ գիտես, բաղդս իմս է . . . ըսէ՛, ո՞ւր կէ եկած եմ, ո՞ւր կ'երթամ . . .

ԳՆՁՈՒՀԻ

Եկած ճամբադ արիւն է, հանրձ, դիակ կայ այդ ճամբային վրայ:

ՃԷՄԻԼԷ

Ապա գացած ճամբաս . . .

ԳՆՁՈՒՀԻ

Գացած ճամբադ դաւով լեցուն է. գացած ճամբայիդ վրայ ալ դիակ կայ . . .

(Սպասուհիները իրարու երես կը նային)

ՃԷՄԻԼԷ

Լաւ բան չկա՞յ բնաւ . . .

ԳՆՁՈՒՀԻ

Ի՞նչ լաւ բան ըսեմ, հանրձ . . . կարօտ մը ունիս, փափաք մը ունիս, կը վազես, կը վազես բայց չես հասնիր . . . սիրտդ կը մխայ բայց բոց չկայ . . . ամուսնացած ես, ամուսինդ տա-

րիքոտ է, քեզ շատ կը սիրէ . . . դուն ալ կը սիրես, բայց մուրազ չկայ . . . սիրածիդ ու քու մէջտեղ ճերմակ գլուխ մը կայ . . . (Ճեմիլէ կը ցնցւի. աղախիմները իրարու կը նային) Չորս բոլորտիքդ դաւ կայ, նախանձ կայ . . . սեւ օձ մը ետեւդ բոլորեեր քեզ խայթելու կըսպասէ . . . երկու ձեռքեր մէյժէկ դանակ ունին, մէկը կը նիկի ձեռք է . . . մարդ պիտի սպանւի . . . եթէ չսպանես, պիտի սպանւիս . . .

ՃԷՄԻԼԷ (ինքզինքը գտնել աշխատելով)

Ուրե՞ծն ճակատիս գիրը բոլորովին սև է . . .

ԳՆՁՈՒՀԻ (քոզելով ձեմիլէի ձեռքը)

Ինչ որ գրած է չաւրւիք հանրձ . . .

ՍՊԱՍՈՒՀԻ (ձեռքը երկարելով)

Իմ բաղդս ալ կարդա:

ՃԷՄԻԼԷ

Աւելի լաւ է որ չկարդայ. քեզի ալ գէշ բաներ պիտի ըսէ . . .

ԳՆՁՈՒՀԻ (ցաւած բայց հաստատ շեշտով)

Ես ըսի այն որ քեզի պիտի պատահէ . . .

(ՕՍՄԱՆ ԲԵԿ ԴՈՒՌԻՆ ՎՐԱՅ ԿԵՐԵԻՒ)

ՕՍՄԱՆ (առաջանալով)

Ի՞նչ է նորէն, ձէմիլէ, բունք ես այս բոշային փէշը: (աղախիմները կը ցատկեն ոտքի, ձեմիլէ կը կանգնի)

ԳՆՉՈՒ ՀԻ

(կանգնելով և վիրաւորած շեշտով)

Բօջաները, բե'կ, փէրիններու ընկերներ
են. մի' վիրաւորեր անոնք, դուն չես ճանչնար
անոնք:

ՕՍՄԱՆ (գալով և ձեմիլէին հետ դիւանին
վրայ նստելով)

Ես բօջաներ շատ եմ տեսեր... գիւղին ծա-
ւերուն տակ մաղ շինողներ լեցուն են:

ԳՆՉՈՒ ՀԻ (աւելի վիրաւորած և շեշտա-
կի նայելով Օսմանին)

Բե'կ, վախցիր փէրիններէն...

ՕՍՄԱՆ (խնդալով)

Եթէ այդպէս է իմ բաղդս ալ կարդա:
(ձեռքը կ'երկարէ գնչուհիին)

ՃԷՄԻԼԷ

Քեզի ալ ինձի ըսածները պիտի ըսէ...
դա... արիւն...

ՕՍՄԱՆ

Դէ'հ, կարդա նայիմ բաղդս:

ԳՆՉՈՒ ՀԻ (Օսմանի ձեռքը բռնելով և նըս-
տելով)

Ո՛ւհ, ... (գլուխը կը դարձնէ) սարսա-
փելի է, բե'կ...

(ձեմիլէ ոտքի կ'ելնէ)

ՕՍՄԱՆ (ընդհատելով)

Ճէմիլէ', լաւ նարկիլէ մը պատրաստէ.

խաչուէ մըն ալ առանց չաքարի... (ձեմիլէ և
աղախինները ձախ կողմի դուռէն դուրս կ'ել-
նեն) է'է'...

ԳՆՉՈՒ ՀԻ (Օսմանի ձեռքը կը բռնու)

Բե'կ, չեմ կրնար, չեմ ուզեր կարգալ...

ՕՍՄԱՆ (բարկացած շեշտով ձեռքը երկա-
րելով)

Ի՞նչ... կարդա' կ'ըսեմ քեզի... ըսէ' տես-
նեմ, քանի տարեկան եմ. քանի կին ունիմ. եր-
ջանի՞կ եմ...

ԳՆՉՈՒ ՀԻ

Սոսկալի է, բե'կ... արիւն... արիւն...

ՕՍՄԱՆ (ծաղրակամ)

Գիտեմ, գիտեմ, այս օրերը շատ արիւն
կայ, չե՞ս տեսներ գիւղերը կը մխան, մար-
դերը կը սպանեն... բաւական վարպետ ես...
դուն իմ հարցումներուս պատասխանէ...
չե՞ս գիտեր, փէրիններուդ հարցուր:

ԳՆՉՈՒ ՀԻ (վիրաւորած)

Յիսուն տարեկան ես դուն, բե'կ... եր-
կու կին ունիս... կը կարծես թէ երջանիկ ես,
բայց ամենէն դժբաղդ մարդն ես... կիներէդ
մէկը կը սիրէ քեզ ու կը նախանձի որ դուն
զինքը երեսէ ձգեր ես. կնիկներէդ միւսը կը սի-
րես դուն, բայց ան քեզ կը խարէ...

ՕՍՄԱՆ (գնչուհիին խօսքերը իրականութեան հետ բաղդատելու յայտնի նիգով՝ և շեշտակի)

Ի՞նչ...

ԳՆՉՈՒՀԻ

Ես կ'ըսեմ այն ինչ որ կը տեսնեմ... Մի՛ զարմանար... ես չուզեցի քու բաղդդ կարգալ, դո՛ւն հրամայեցիր և փէրինները ծաղրեցիր... ու անոնք բարկացած՝ քու բաղդդդ կաթնան կը խառնեն:

ՕՍՄԱՆ (կասկածոտ և գայրացած)

Կարդա՛, կարդա՛... ըսէ՛, սիրած կինս ո՞չ կը կը սիրէ... ո՞վ...

ԳՆՉՈՒՀԻ

Սէր կը կեղծէ, բայց քեզ չի սիրեր... Երիտասարդի մը գլուխը կայ քու և անոր մէջ...

ՕՍՄԱՆ

Յետո՞յ... բայց ո՛չ, լռէ՛... չեմ ուզեր այլեւս քեզ լսել...

ԳՆՉՈՒՀԻ

Փէրինները կը հրամայեն ինձ, չեմ կրնար լսել... արիւն կայ ձեռքերուդ վրայ... կնիկի ձեռք մը կայ դանակը ձեռքը՝ կուրծքիդ վրայ... Օրերդ համրած են...

ՕՍՄԱՆ

(գապւած գայրայթով եւ ինքզինքը գտնել նզգնելով)

Հա՛, հա՛, հա՛...

ԳՆՉՈՒՀԻ

(կանգնելով եւ շեշտակի նայելով Օսմանին)

Մի՛ ծաղրեր փէրինները, բե՛կ... վա՛յ անոնց, որոնց վրայ կը թափի մենէ-աղէկներու բարկութիւնը... (փայտին վրայ հակած՝ գնչուհին դէպի աջ դուռը կ'երթայ: ձեմիլէ կ'երեւի ձախ դուռին վրայ. Օսման կը տարուկալէ խնդալ: Գնչուհին այս խնդուքին վրայ ակնարկ մը կը ձգէ Օսմանի վրայ և կը մեկնի: ձեմիլէ կ'առաջանայ եւ Օսմանի առջեւ կը դնէ նարկիլէն:)

ՕՍՄԱՆ

Օղիս ալ բեր, ձէմիլէ... Այսօր երիտասարդի արիւնս է բորբոքեր. կ'ուզեմ որ խըմենք միասին...

(ձեմիլէ կ'երթայ. քիչ յետոյ կը վերադառնայ արիւնով մը, վրան շիշ մը օղի, երկու գաւաթներ և ամանով աղանդեր: Այս միջոցին Օսման նարկիլէն կը ծխէ:)

ՕՍՄԱՆ

(ձեմիլէն նստեցնելով քովը եւ ձեռքը վիզին նետելով)

Հա, հա, հա՛, ... դիտե՞ս ինչ կ'ըսէր այդ բօշան, ձէմիլէ... կնիկներէս մէկը դիս կը խարէ եղեր... հա՛, հա՛, հա՛... թէ օրերս համ-

բըւած են... դուն որ իմ քովս ես, հարիւր տարի կ'ապրիմ...

ՃԻՄԻԼԷ

Բոլոր մարդերուն օրերը համըւած են, բե'կ... ամէն մարդ օր մը պիտի մեռնի... Բայց ի՞նչ է թիւը այդ օրերուն... Բոչաները բաներ կ'ըսեն որ թէ իրաւին յարմարի թէ սուտին... Ինձի ալ սոսկալի բաներ ըսաւ...

ՕՍՄԱՆ

Մտիկ մի' ըներ, աղւորիկս... լեցո'ւր հատ մը ձեռքովդ ու խմցուր ինձի... (ձէմիլէն կը լեցնէ գաւաթը եւ կուտայ Օսմանին) դուն իմ միակ միտքարիչս ես, ձէմիլէ... Ե՛րբ ինձի տղայ մը պիտի տաս... (կը համբուրէ) որ իմ բեկութիւնս շարունակէ... Ասլանը կ'երթայ ու եթէ ալ չդառնայ... ո՞վ գիտէ աշխարհը մեռնիլ կայ... Ես կ'ուզեմ որ դուն իմ հարստութեանս տէրն ըլլաս և քու տղադ իմ յաջորդս...

ՃԻՄԻԼԷ

Ո՞ւր կ'երթայ Ասլան բեկը. ինչո՞ւ համար...

ՕՍՄԱՆ

«Կ'երթամ» կ'ըսէ, չեմ գիտեր... «Ես գիւղովը բեկ էի, հիմա որի՞ բեկ պիտի ըլլամ» կ'ըսէ... Կ'երթայ գիւղացիներուն հետ կարծելով որ անոնց կրնայ օգնել: Երիտասարդ է

չի գիտեր թէ այս օրերը ուրիշ օրերու չեն նըմանիր... Է՛, արիւն է՛ կը քաշէ... Քսան տարի գուրգուրացի իր վրայ, սիրեցի զինքը, զինքը մեծցնելով գործած մեղքս քաւել ուղեցի... Գըւածը չաւրելի ձէմիլէ...

ՃԻՄԻԼԷ (տխուր)

Բայց դուն կրնաս արգելել զինքը, բե'կ, (վիզը գրկելով) մի' թողուր որ երթայ, կ'ըսպանեն զինքը, թշնամիները շատ են. մեղք է ջահել կեանքին...

ՕՍՄԱՆ (համբուրելով)

Դուն չես ճանչնար Ասլանը, աղւորս: Երէկ այնքան աշխատեցայ որ արգելեմ զինքը. բայց Ասլանը որ որոշեց անկարելի է ետ կեցընել... Քսան տարի է որ զինքը կը ճանչնամ... Քաջ տղայ է, բայց... դուն չես ճանչնար զինքը:

ՃԻՄԻԼԷ

Ես անոր քաջագործութիւններու պատմութիւնը աղջիկ ատենս եմ լսեր, մեր լեռներուն մէջ Ասլան բեկին քաջագործութիւնները լօ՛ւններով կ'երգեն: Ամէն աղջիկ անոր դէմքը տեսնել ու անոր պէս ամուսին մը ունենալ կ'երազէ... Անոր անունը աղջիկներուն սիրտը սէրով, տղաներուն սիրտը վախով կը լեցընէ...

ՕՍՄԱՆ (խորհրդաւոր շեւտով)

Բու սի՞րտդ ալ սէրով կը լեցւէր, ձէճի-
լէ՛ս, երբ աղջիկ էիր... (ձեմիլիէ շարժում մը
կ'ընէ) հոգ չէ... բայց դուն հիմա հպարտ ես
որ Ասլանին մայրն ես...

ՃէՄիլիէ

Հպարտ, շա՛տ հպարտ...

ՕՍՄԱՆ

Եւ ո՞րքան աւելի հպարտ պիտի ըլլաս,
երբ նոր ասլան ծը, քու ասլանդ, իմ ասլանս
ունենանք... լեցո՛ւր, ձէճիլիէ, լեցո՛ւր, այս
մէկն ալ խճենք, դուն ալ ինձի հետ, մեր նոր
ասլանին կենացը, և Ասլան բեկին կենացը,
որ երթայ ու դայ...

ՃէՄիլիէ (գաւաթները լեցնելով)

Ասլանի պէս կտրիճին կենացը երկու հատ
խմէ, միշտ խմէ, բեկ... երնէկ այն աղջիկին,
որ անոր կինը պիտի ըլլայ...

ՕՍՄԱՆ (նախանձի ու կասկածանքի շեւ-
տով)

Երբեմն նոյն երնէկը իմ անունիս կուտա-
յին, երբ երիտասարդ էի...

ՃէՄիլիէ (ծեփծեփումով)

Դուն հիմա ալ երիտասարդ ես, բեկ...
երբ ձիւդ կոնակը կուզաս քսան տարեկան
կտրիճ կը դառնաս...

ՕՍՄԱՆ

Ի՛հ... ինչո՛ւ ծերացայ... (ինքզինքը
գտնելով) Լեցո՛ւր, ձէճիլիէ, լեցո՛ւր... երգէ
ինձի այն երգը, որ երիտասարդութեան ա-
րիւնը բորբոքեց... երգէ, որ գաւաթս անուշ-
նայ...

ՃէՄիլիէ (կը լեցնէ գաւաթը և կ'երգէ)

Լուսընկի լոյսով, մազիս թելերով
Թաշկինակ բաներ եմ կտրիճիս.

Քեզ կըսպասեմ, քաջս, եկուր կոնակն առ
Ձիւդ, աշխարհէ աշխարհ փախցուր
զիս . . .

ՕՍՄԱՆ (կը գրկէ ու կը համբուրէ ձեմի-
լիէն)

Ձայնիդ ես մատաղ...

(Այս միջոցին Այիւէ կ'երեւի այց կողմի
դուռին վրայ և վայրկեան մը նախանձի ու
գայրաջրի արտայայտութիւն մը կ'ընէ ու յե-
տոյ ընկնում կ'առաջանայ)

ԱՅԻՇԷ

Ներէ, բե՛կ, որ ուրախութիւնդ խանդա-
րեցի... Այի էֆէնտին եկեր է... (ձեմիլիէ կը
մեկնի ակնարկ մը ձգելով Այիւէի վրայ: Ա-
յիւէ ձեռքերը տարածելով՝ աղաչակամ) Բե՛կ,
տո՛ւր ինձ իմ ազատութիւնս, քսան տարի կի-
նըդ եղայ, քեզ սիրեցի, այդ բոլորին փոխա-
րէն այս լքումը... չէ՛, չեմ կրնար տանիլ այլ

6737-82



ևս... նիքեաճդ ետ առ... քանի ես այս տու-
նին մէջ ուրիշ ոչինչ եմ, բայց եթէ աղախին
մը այդ լեռնցի աղջիկին... Գթա՛, ինձ... ես
ալ կին եմ... քու հաւատարիմ կինդ...

ՕՍՄԱՆ (արգիլող շեշտով)

Է՛... մի՛ սկսիր նորէն քու յաւիտենական
խօսքերդ... դուն կինս ես ու կինս կը մնաս...
քսան տարի քեզ սիրեցի, քու ամուսինդ եղայ
և դուն ինձի դաւակ մը չտւիր...

ԱՅԻՇԷ (վնասկան)

Ես չեմ կրնար այլևս մնալ տունի մը մէջ,
ուր անպատուութիւն կը տիրէ... (գլուխը եր-
կարելով) Ահա գլուխս, բե՛կ, կտրէ զայն, ե-
թէ կ'ուզես, բայց գլուխիս գինովն իսկ ես չեմ
կրնար մնալ միւսնոյն տունին մէջ այն կնիկին
հետ, որ իմ ամուսինի իրաւունքներն է խեր,
իմ ամուսինս է խլեր և այդ բոլորին փոխարէն
սիրուհին է...

ՕՍՄԱՆ (ռոտի կանգնելով՝ կատաղի)

Այիշէ՛, քու լեզուդ կը կտրեմ եթէ.....
Ապացուցո՛ւր ըսածդ կամ եթէ ոչ շունի պէս
կը սատկեցնեմ քեզ, որ իմ ծերութեանս օրերը
կ'ուզես թունաւորել օձի պէս... ըսէ՛, որի՞
սիրուհին է ձէմիլէն, որ այնքան կը սիրեմ...

ԱՅԻՇԷ (աղաչական բայց խորհրդաւոր)

Դուն ինքզինքիդ հարցուր, դուն քու սիր-
տիդ հարցուր և ան պիտի ըսէ քեզ թէ ձէմի-

լէն քու հաւատարիմ կի՞նդ է թէ ոչ... բոլոր-
տիքդ նայէ, բե՛կ... անոր վարմունքները քըն-
նէ՛, բե՛կ... և դուն փաստ չպիտի ուզես ի-
նէ... դուն լեզուս կտրել կը սպառնաս, ես
գլուխս կուտամ քեզի... միայն թէ տո՛ւր իմ
ազատութիւնս, եթէ չես տար ինձ քու կինդ
ըլլալու իրաւունքս... վերջապէս, բե՛կ, ես
ալ կին եմ... քար չեմ...

ՕՍՄԱՆ (վրդոված ու քունաւորած)

Ա՛խ, կիներ, կիներ... «անպարկեշտ կը-
նիկին ձեռքէն Աստուած ազատէ...» (կատաղած)
Բայց չըսիր դո՛ւն, Այիշէ՛... կը հրամայեմ
քեզի, ո՞վ է ան...

(Ալի էֆէնտի կը մտնէ)

Ա.Լ.

Ի՞նչ կայ, բե՛կ, խնդրեմ, հանդարտէ,
խնայէ հանրմին...

ՕՍՄԱՆ (չղայնոտ)

Է՛... կիներ, կիներ... թունաւոր սև օ-
ձեր...

ԱՅԻՇԷ (դէմքը ծածկելով, աղաչական Ա-
լիին)

Կը խնդրեմ, Ալի էֆէնտի, բարեխօսէ ինձ
համար... դուն բեկին հին բարեկամն ես,
չրող-կարգացող մարդ ես... ըսէ՛, թող տայ
իմ ազատութիւնս, թող ղրկէ զիս իմ հօրս տու-

նը... ևս չեմ կրնար այլևս տանիլ այս աղա-
խինութիւնը... (գրեթէ արտաստեղծ) քսան
տարի զինքը սիրող, իրեն հաւատարիմ կինը
եղայ որ այսօր լեռնցի աղջիկի մը աղախինը
ըլլամ... Տարի մըն է, Ալի էֆէնտի, տարի
մըն է երեսէ ինկած եմ... գիշերներս լալով
կ'անցնեմ որպէսզի գութը արթննայ իր սիր-
տին մէջ... բայց, ալ անկարելի է... բարե-
խօսէ՛, Ալի էֆէնտի...

(Այս միջոցին Օսման ջղայնացած կը ֆա-
լէ վերջապէս Այիւէի վերջին խօսքերը իր
համբերութիւնը կը սպառեն:)

ՕՍՄԱՆ (սպառնական)

Կորսէ՛, անպատիւ... Մինչեւ վաղը քե-
զի ժամանակ կուտամ, կամ կ'ապացուցանես
ըսածդ կամ այս մատերովս լեզուդ կոկորդէզ
կը քաշեմ...

ԱՅԻՇԷ (միրաւորւած «անպատիւ» բառէն)

Անպատիւը ան է որ ծունկէ ծունկ կը նըս-
տի... (կ'երթայ)

ՕՍՄԱՆ (կատղած՝ ֆայլ մը կ'առնէ)

է՛յ... Ալլա՛հ...

(Ալի կը բռնէ Օսմանը, որ բարկութենէն
կը դողայ և հանդարտեցնել աշխատելով՝ կը
բերէ կը նստեցնէ դիւանին վրայ)

ԱԼԻ

Հանդարտէ, բե՛կ... (օղի մը կը լեցնէ)

խմէ հատ մը... մուցիր եղածը...

ՕՍՄԱՆ (ջղայնուտ)

Ես, ես Օսման բեկը, շուքէս ու անունէս
կը վախնան ուրիշները, իսկ կին մը, կին մը
ինծի հետ այդպէս խօսի՛... Չէ՛, մինչեւ որ
ես անոր լեզուն չկտրեմ ան չի հասկնար թէ
ո՛վ եմ ես...

ԱԼԻ (հանդարտեցնող շեւտով)

Մուցի՛ր, վազ անցիր... էրիկ-կնիկի մէջ
միշտ խօսք-զրուցք կ'ըլլայ... հանդարտէ...

ՕՍՄԱՆ (գլուխը երեքցնելով և մեքենաբար)

էրիկ-կնիկի խօսք-զրուցք ը՛... չէ՛...
այս կինը քսան տարի կնիկս եղաւ և տակա-
ւին չհասկցաւ... «ծերացած դայլը շուներուն
խաղալիկ կ'ըլլայ...» հա՛... բայց ես կը հաս-
կըցնեմ անոնց թէ ես ի՞նչ տեսակ դայլ եմ...

ԱԼԻ (խօսքը փոխելու միտումով)

Բայց, բեկ, իրաւ որ առածներուն մէջ եր-
բեմն մեծ ճշմարտութիւններ կան, որոնք փոր-
ձատուժեան արդիւնք են...

Վայրկեան մը լուռ, որի ընթացքին Օս-
ման հետզհետէ մեղմացած ջղայնութեան
արժումներ կ'ընէ:)

ՕՍՄԱՆ (զուլած բարկութիւնով եւ յու-
սահատ շեւտով)

Ըսէ՛, Ալի՛ էֆէնտի, դուն զրոյ-կարգա-

ցող մարդ ես, աշխարհ ու մարդեր շատ ես տեսեր, ըսէ՛, խրատ մը տուր, ի՞նչ ընեմ ես այս կնիկին ձեռքը...

Ա.Լ.Ի

Այդքան բարկանալու պատճառ չունիս...

ՕՍՄԱՆ (գլուխը երեքցնելով)

Տարի մըն է ինչեր կը քաշեմ... ձէմիլէն այս տունը ոտք կոխած օրէն ի վեր հոգիս կ'առնէ այդ կինը... Ուրախութեան, մխիթարութեան վայրկեան մը հազիւ թէ կ'ունենամ, անպատճառ վերջը աս է: Կարծես միտքը դրեր է այսպէսով մեռցնել զիս...

Ա.Լ.Ի

Նախանձը կնիկի մը երկրորդ պատկերն է...

ՕՍՄԱՆ

Նախանձ, բայց այս տեսակ նախանձ չը տեսնած բան է:

Ա.Լ.Ի

Մտիկ ըրէ՛, սակայն, բեկ... Նախանձը սէրին ուրիշ մէկ անունն է: Եթէ Ա.յիշէ հանրմ կը նախանձի, շատ ալ մի՛ մեղադրեր զինքը, որովհետեւ քսան տարի քեզի հաւատարիմ, քեզ սիրող կին մը ըլլալէ յետոյ երբ այսօր զինքը բոլորովին երեսէ կը ձգես, բնական է որ ան նախանձի...:

ՕՍՄԱՆ

Բայց ան քսան տարի կինս եղաւ, զաւակ մը չտուաւ ինծի: Վաղը երբ ես մեռնիմ բեկութիւնս շարունակող մը չունիմ: Ես ձէմիլէն առի որ ինծի զաւակ մը տայ...

Ա.Լ.Ի (ֆւծիծաղով)

է՛, բե՛կ, միամիտ մի՛ ըլլար այնքան... աշխարհի վրայ ոչ մէկը կրնայ երաշխաւորութիւն տալ այդ բանին մէջ... Եւ միթէ՞ Այիշէ հանրմը քենէ պակաս կ'ուզէ որ զաւակ մը ունենայ... կիները, բե՛կ, աւելի խենդ են զաւակի համար քան էրիկները... Նախանձն ու կոխը բնական է բոլոր այն տուներուն մէջ, ուր մէկ էրիկ մարդ երկու կամ աւելի կին ունի. այդպիսի ատեն գոնէ աշխատելու է նախանձի թոյնը և ատելութիւնը չչատցնել անոնց մէջ... վա՛յ անոր, որ երկու կնիկի ձեռք ինկաւ, երկու կնիկ, որոնց մէջ նախանձն ու ատելութիւնը կայ... Զգուշանալու է, բե՛կ, կնիկի մէջ նախանձ արթնցնելէ, որովհետեւ այն ատեն ձերմակ աղաւնին սե օձ մը կ'ըլլայ:

ՕՍՄԱՆ

Բայց ինչպէ՞ս կրնամ ես մէկ աչքով նայիլ ձէմիլէին ու Այիշէին: Մէկը երիտասարդ, թրվուուն, միւսը տարեքը առած, մարմինը պաղած...

ԱԼԻ

Ճշմարիտ է. այդ քու ձեռքդ չէ... եղածը եղած է. դոնէ պէտք է Այիշէ հանրմին մէջ թոյ նը չչատցնես: Ան արդէն իր իրաւունքին մէջ զրկւած կը զգայ և արժանապատուութեան մէջ վիրաւորւած. պէտք չէ նոր վիրաւորանքներ ընել... կնիկի մը զգացումները որքան վիրաւորես, անոր մէջ առաքինութիւնները նոյնքան ճիւղաղութիւններու կը փոխւին: Բե՛կ, այն վիրաւորանքը, որ դուն ըրիր Այիշէ հանրմին, այդ արդէն բաւական է որ անոր մէջ մեռնի կնիկութիւնը եւ գլուխ բարձրացնէ օձուութիւնը...

ՕՍՄԱՆ

Գիտե՞ս, սահայն, ինչ ըսաւ... Ան այնքան կը նախանձի ձէմիլէին, որ զայն իմ աչքէս ձգելու համար...

ԱԼԻ (ընդհատելով)

Աշխարհի վրայ անկարելի բան չկայ... ճերմակ մազերս վկայ...

ՕՍՄԱՆ

Ի՞նչ... Ի՞նչ...

ԱԼԻ

Դո՞ւն ալ կը նախանձիս, բե՛կ... քու հարցումդ արտայայտութիւնն է նախանձիդ... դուն կը մեղադրէիր հանրմը, կը վիրաւորէիր

զինքը որ կը նախանձի: Կը տեսնե՞ս սէրն ու նախանձը մէկ մարմին և մէկ հոգի են: Նախանձող կինը օձ կը դառնայ, նախանձող տղա՛մարդը՝ գայլ...

ՕՍՄԱՆ

Գա՛յլ... իսլամի կրօնս վկայ...

ԱԼԻ (ընդհատելով)

Բոլոր կրօններէն վեր ու զօրաւոր բնութեան կրօնը կայ...

ՕՍՄԱՆ

Այսինքն...

ԱԼԻ

Այսինքն, ով որ կը կարծէ թէ աշխարհի վրայ ինք ամենէն զօրաւորն է, ո՛վ որ կը հաւատայ թէ իր զգացումներն ու հաւատալիքները յաղթող են ու ուժեղ, ով որ կը խորհի թէ իրենն է իրաւունքը, որովհետեւ ուժ ունի և դրամ, ան չարաչար կը սխալի, որովհետեւ բոլոր ուժերէն, հաւատալիքներէն ու կրօններէն վեր կայ բնութեան օրէնքը. իսկ մարդը այդ օրէնքին մէկ արդիւնքն է: Եւ մի՛ մոռնար, բե՛կ, որ սիրտը, մարդին մէջ, բնութեան ամենէն մօտն է...

ՕՍՄԱՆ (հասկնալ ճգնելով՝ Ալիին խօսքերը, ընկնւած՝ գրեթէ մեքենաբար)

Ուրեմն կրնան պատահիլ բոլոր անոնք...

ԱԼԻ (ընդհատելով)

Ամէն բան, ամէն բան...

ՕՍՄԱՆ (ուժգին)

Բողո՞րը... (լռութիւն) դաւ... սպանու-
թիւն... (ջղայնոտ, ձեռքը պիտի ու մօրու-
քին կը տանի) բողո՞րը...

ԱԼԻ

Ի՞նչ բառեր են ատոնք, բե՛կ...

ՕՍՄԱՆ

Բօշան, բաղդ նայող բօշան ըսաւ: Բաղդս
նայեցաւ և... ուրեմն ձէմիլէ՞ն ալ... (լռու-
թիւն) Ես խնդացի իր վրայ, և ան վերաւոր-
ած աւելցուց. «օրերդ համրւած են...»

ԱԼԻ (խնդալով և Օսմանը համդարտեցը-
նելու միտքով)

է՛, ի՞նչ կարեւորութիւն կուտաս բօշա-
ներուն...

ՕՍՄԱՆ

Բայց դո՛ւն ըսիր որ կրնայ պատահիլ բո-
լորը...

ԱԼԻ

Այո՛, ես ըսի որ աշխարհի վրայ կրնայ ա-
մէն բան պատահիլ, բայց այդ չի նշանակեր
որ քեզի պիտի պատահի: Բօշան ըսեր է որ օ-
րերդ համրւած են... ի՞նչ կայ ատոր մէջ.
աշխարհի վրայ որի՞ օրերը անհամար են.

ճարպիկ բօշա մը կրնայ մազերը նայիլ և բաղ-
դը ըսել...

ՕՍՄԱՆ

Բայց ան ըսաւ նաև «դաւ... նախանձ...»
Ի՞նչ գիտեր իմ ներքին կեանքս, ո՞ւրկէ գիտէր
որ նախանձոտ կին մը ունիմ: Դուն ալ ըսիր,
Ալի էֆէնտի, որ նախանձոտ կին մը օձ է...
ահա Ալիշէն... որ ամբողջ կեանքս թունաւո-
րեց... (լռութիւն): «Կը սիրես... չես սիր-
ւիր...»... «Աշխարհի վրայ ամէն բան կրնայ
պատահիլ...» արդեօ՞ք ձէմիլէն կը կեղծէ.
արդեօ՞ք Ալիշէն ըսածները ճիշդ են... բայց...
բայց... եթէ այդպէս է... եթէ... (մտած-
կոտ) Ինչո՞ւ ձէմիլէն տրեցաւ, երբ ըսի իրեն
որ Ասլանը պիտի երթայ... ինչո՞ւ անոր կե-
նացը խմեց... (առփի կ'ելնէ և բոլորովին ջը-
ղայնոտ) «Աշխարհի վրայ ամէն բան կրնայ
պատահիլ...» Զէ՛!... այս թոյնը սոսկալի
է... այս թոյնը սոսկալի է, Ալի էֆէնտի...
կարծես կը զգամ թէ բօշային ըսածները բո-
լորը ճիշդ են... ան գիտէր բոլորը... չուզեց
ըսել... ինչո՞ւ ես ուզեցի գիտնալ... կը զգամ
թէ սպանութիւններու վախճանը չէ եկեր...
ծերութեան օրերը ուզեցի տաք կուրծք մը
զրկել ու պաղ օձ մը կը զգամ գիրկիս մէջ...
(մեքենաբար) Ը՛... (պոռթկալով) Եթէ ճիշդ է,
Ալի էֆէնտի, այնպիսի հարսնիք մը կը սար-

քե՛մ անոնց համար որ աշխարհ չէ լսեր...

ԱԼԻ (Կանգնելով և բովը երթալով)

Հանդարտէ՛, բեկ... դուցէ քու կասկածներդ բոլորովին անհիմն են... Ես այստեղ եկայ քեզ մը խօսելու, իսկ դուն...

ՕՍՄԱՆ (ընդհատելով)

Շատ գէշ օր եկար այսօր, և քու խօսքերդ շատ գէշ բաներ ըսին այսօր, Ալի էֆէնտի...

ԱԼԻ

Հանդարտէ՛... դուն ըսիր որ Ասլանը կ'երթայ արգէն... փոխանակ միաքո տանջելու, թող որ երթայ: Այս օրերուն դացողը ետ չի դառնար...

ՕՍՄԱՆ

է՛... գրամէք...

(Դուրսէն Ասլանի ձայնը կուգայ)

ԱՍԼԱՆ (դուրսէն)

Հէ՛յ... անասուածնե՛ր... անասուածնե՛ր... (արագ կը մտնէ աջ դուռէն և առանց նկատելու ներկաները կը վազէ բալիօնը) Բացէ՛ք, դուռերը բացէք, ներս առէք այդ խեղճերը... Այս դաղանութիւնը ոչ մէկ կրօնք, ոչ մէկ ասուած կը տանէ... (դուրսէն վայնասունի ձայներ, խարազանի շաշիւններ և հայհոյանքներ) Հէ՛յ, զաչըմներ... Հիւսէ՛յն... Հիւսէ՛յն... ձիս պատրաստէ... այստեղ ապրիլը հարամ է այլեւս... (Օսման անակնկալի

եկողի պէս Ալիին հետ դէպի բալիօնը կ'երթայ)

ՕՍՄԱՆ

Ասլա՛ն...

ԱՍԼԱՆ (դէպի ձայնը դառնալով)

Հա՛յր, հրամայէ՛ խօյաժներուդ թող դուռերը բանան այս խեղճ կիներուն ու մանուկներուն առջև... ասպետութեան դէմ է, հա՛յր, դուռը ինկածը չպաշտպանել... (դուրսէն կը շարունակէ ողբուկոծի և հայհոյանքի ձայնը) Հէ՛յ անասուածներ... էրիկները տարին, եղբայրները տարին, ի՞նչ կ'ուզեն այս ծերերէն ու մանուկներէն...

ՕՍՄԱՆ

Թագաւորին հրամանն է, տղաս... Եթէ դուռերը բանան ու ներս առնեն, ամբողջ տունը կ'այրէ կառավարութիւնը...

ԱՍԼԱՆ

Գիւղը այրելէ յետոյ թող այս տունն ալ այրեն: (Դուրսէն ձայները կը շարունակեն) Տե՛ս, անոնց վիճակը, հայր...

ՕՍՄԱՆ

Թագաւորին հրամանն է...

ԱՍԼԱՆ (Զսպւած կատաղութիւնով)

Թագաւորէն հրամանը... (պոռթկալով) Այդ ի՛նչպէս թագաւոր է...

ՕՍՄԱՆ (ընդհատելով)

Սո՛ւս, Ասլա՛ն, եթէ լսեն, լեզուդ կը կըտրեն:

ԱՍԼԱՆ

Ի՞նչ պիտի ընեմ ա՛յնպիսի լեզուն, որ չպիտի խօսի, երբ քարերը կը խօսին... Տո՛ւր ինձ իշխանութիւնդ, հա՛յր, տո՛ւր ինձ իշխանութիւնդ, և թող լեզուս կտրեն, թող գլուխս կտրեն... Հա՛յր, այս գիւղացիներուն բեկն ես դուն, պաշտպանէ անոնք, դուն կրնաս ազատել անոնք ժանդարմներու ձեռքէն... հրամայէ՛, թող դուռը բանան...

ԱԼԻ

Ո՛վ որ թագաւորն հրամանին դէմ կ'երթայ, անոր պատիժը մահ է...

ԱՍԼԱՆ (կատաղած)

Ո՛վ որ անդէններ, ծերեր, կիներ ու մանուկներ կը կոտորէ, ան վատ է. եւ այն որ չի պաշտպաներ իր դուռը ինկած խեղճը, ան ասպետութեան դէմ դաւաճան է...

(Դուրսէն ողբուկով մէջէն ձայներ կը հասնին) «Բե՛կ, բե՛կ... քու դուռդ ենք ինկեր, ազատէ մեզ...»

ԱՍԼԱՆ (Օսմանի ձեռքէն բռնելով բալկօնը կը փաշէ)

Տե՛ս, քու աչքերովդ տես, հա՛յր... ասպետութեան անունով, ազատէ անոնք...

ՕՍՄԱՆ (գլուխը կախած կը հեռանայ բալկօնէն)

Թագաւորին հրամանն է...

ԱՍԼԱՆ (կատաղած)

Թագաւորին հրամանն է... Ի՞նչ ընեմ ես այդ տեսակ թագաւորը... (Օսման և Ալի դանդաղօրէն կ'երթան դէպի աջ դուռը: Դեռ դուռին վրայ) Հէ՛լա՛լ ըրէ ինձ, հայր, հէ՛լա՛լ ըրէ հացը, որ կերցուցիր քսան տարի... հէ՛լա՛լ ըրէ, եթէ քեզի հանդէպ իմ ունեցած յարգանքով չկրցայ փոխարինել հացդ... Ձեմ գիտեք ուրիշ եկայ... բայց գիտեմ այսօր թէ ո՛ւր կ'երթամ... Ասպետութիւնս զիս կը կանչէ... հէ՛լա՛լ ըրէ, եթէ այլեւս չդառնամ...

ՕՍՄԱՆ

Հէ՛լա՛լ ըլլայ... (մեկնելու ատեն) Արիւնը ջուր չըլար...

(Ասլան մինակ, տխուր, վայրկեան մը լուռ... ներսէն ձեմիլէի երգին ձայնը կուգայ: Ձայնին վրայ Ասլան կըսքապի):

ԱՍԼԱՆ

Հէ՛յ, աշխարհ, աշխարհ... մէկը կ'երգէ, հազարներ կուլան...

ՀԻՒՍԷՅՆ (Դուռին վրայ երեւալով)

Ձեզ պատրաստ է, Ասլա՛ն...

ԱՍԼԱՆ

Լա՛ւ... պատրաստէ դո՛ւն ալ, իմ հաւա-

տարին բարեկամս, որ հօրմէս աւելի գուրգուրացեր ես կեանքիս վրայ և ասպետութեանս անբաժան ընկերն ես եղեր... սլափասուէ, եթէ կ'ուզես վերջին անգամ չբաժնելի ինչ... Այս երթալը ուրիշ երթալ է, Հիւսէյն, երթալ՝ չգալ կայ... (պատէն կըսկսի գէնֆերը առնել և կապել) Ես զէնքերս կապեմ, կուգամ...

ՀԻՒՍԵՅՆ

Քեզի հետ եմ, Ասլան... դուն իմ ձեռքս ես մեծցեր, քեզ մինակ չեմ թողուր... (կ'երթայ):

ԱՍԼԱՆ (գէնֆերը կապելով կը գրադիատրեանակը կ'առնէ և վրան նայելով) Դուն, որ ասպետութեանս մէջ հաւատարիմ ընկերս եղար, եկուր այսօր ալ ինձ հետ... Դուն, որ ասպետութեանս երբէք չդաւաճանեցիր, ու կտրիճի մը վրայ բռնաւ կրակ չբացիր, եկուր այսօր ալ ինձ հետ... Այսօր... և ի՛նչ օր... (ձեմիլիէի երգին ձայնը կուգայ ներսէն) «Ամէն չարիքի մէջ բարիք մը կայ» կ'ըսեն... Երթա՛մ, երթամ սգաւոր ներու հետ, գոնէ ազատիմ անոր ձեռքէն, որ իբր փորձութիւն ասպետութեանս դուռը կը բաղիւէ ամէն օր. ու ես կը վախնամ թէ օր մը անոր շունչին առջեւ ասպետութեանս պողպատ դուռերը խորտակին... Երթա՛լ, երթա՛լ... այդ է մնացեր ինձ միակ միջոց օգնելու՝ դա-

ցողներուն, փախելու՝ մնացողէն... ձեմիլիէն... (Ձախ կողմի դուռին վրայ կ'երեւի ձեմիլիէ տխուր ու հրապուրիչ: Դուռին կրթնած վայրկեան մը հիացմունքով կը նայի Ասլանին, որ չնկատեր ձեմիլիէն: ձեմիլիէ աջ ձեռքը գաւաթ մը գինի բռնած՝ կ'առաջանայ)

ՁԵՄԻԼԷ

Ուզուր ըլլայ, Ասլան բեկ... Դուն մնաս բարովի չես գար ինձի, ես երթաս բարովի կուգամ քեզի դաւաթ մը կարմիր, կարմիր գինիով... Աշխարհը մահ կայ, Ասլան բե՛կ, պէ՛մուրաս մահ կայ... Գաւաթ մը գինի խմէ ձեռքէս ու նորէն դնա... (կը մտնեայ Ասլանի, գաւաթը երկարած ու նազանքով) Գացողը կ'երթայ, Ասլան, վա՛յ անոր ետեւ մնացող անմուրազ սիրողին... Քեզ պէս դացողին դաւաթ մը գինի իմ ձեռքէս, Ասլան, մխիթարանք է... կ'երթաս, կը մեռնիս, ու այն ատեն ես նստած կուլամ, կուլամ ու կ'երգեմ թէ վերջին անգամ իմ ձեռքէս խմեց...

ԱՍԼԱՆ (ձնուած ու ինքն իր մէջ պայքարելով)

Ես ո՞ւր փախիմ քու ձեռքէդ, ձեմիլիէ, դուն չե՞ս հասկնար թէ ո՛վ ես դուն և ո՛վ եմ ես... դո՛ւն կ'ինն ես անոր, որ ես հայր կ'ընդունիմ... ինչո՞ւ այս վերջին վայրկեանին դուն կուգաս ասպետութեանս ճամբային վը-

բայ... լեռներն ու քարերը ինչ կը փախին, ես
չեմ գիտեր ո՞ւր փախիմ քու ձեռքէդ...

ՃԷՄԻԼԷ

Երբ չէրքեզի աղջիկն է սիրողը, ասլան-
ներն ալ չեն կրնար փախիլ անոր ձեռքէն...
բայց դո՛ւն, դո՛ւն ուրիշ Ասլան ես, դուն կ'եր
թաս, դուն կը փախիս... Ուղո՛ւր ըլլայ... մի-
այն մէկ դաւաթ, միայն մէկ դաւաթ խմէ իմ
ձեռքէս... աշխարհը մեռնիլ կայ... (Ձախ
ձեռքը վիզին կը տանի և իր ձեռքով գաւաթը
Ասլանի օրթուսիքին կը տանի)

ԱՍԼԱՆ (Թոյլ չտալով որ իր վիզը գրկէ)

Կ'առնեմ այդ դաւաթը, ձէմիլէ, (իր ձեռ-
քը կ'առնէ) կը խմեմ դայն, ինծի արւած իբր
իմ մօրս կողմէ...

ՃԷՄԻԼԷ

Մա՛յր... մի՛ կրկներ այդ բառը, Ասլան
մի՛ կրկներ, որովհետեւ քանի դուն զիս մայր
կոչես, ես հայրդ կ'ատեմ...

ԱՍԼԱՆ

Ձէմիլէ՛...

ՃԷՄԻԼԷ

Ես ծերուկի մը ստրուկը եղայ քու սէրիդ
համար, Ասլան, քու անունդ լեռներն ըսին ինձ
ու ես գիշերները երազիս մէջ տեսայ քեզ...
լսէ՛, գոնէ այսօր, երբ կ'երթաս, լսէ՛, Ասլան
կը սիրեմ քեզ...

ԱՍԼԱՆ

Իսկ եթէ ես ատեմ քեզ...

ՃԷՄԻԼԷ

Այն ատեն ես աւելի պիտի սիրեմ քեզ ու
աւելի պիտի ատեմ քու հայրդ... հայրդ, որ
իմ ու քու մէջտեղ է կանգնեց... Դուն քար չես,
Ասլան, գիտեմ, դուն քար չես, դուն սիրտ ու-
նիս, սիրտ՝ իմ սիրտիս պէս... բայց հայրդ...
և ես քու մա՛յրդ... ա՛հ, կ'ատեմ, կ'ատեմ
այդ բառը...

ԱՍԼԱՆ (խմելով)

Մնաս բարո՛վ, ձէմիլէ...

ՃԷՄԻԼԷ (գրկելով Ասլանը)

Կ'երթա՞ս... (աղաչական) Ասլան... ե-
րեսը մօտեցնելով Ասլանի շրթուսիքին) համ-
բուրէ՛ զիս... անգամ մը, անգամ մը միայն...
համբուրէ՛ իբր ինչ որ կ'ուզես, ես անոր մէջ
քու սէրդ կը խմեմ... միայն թէ համբուրէ՛...
(Ասլան կը նզովէ ազատիլ ձեռքէն) Կ'երթաս,
Ասլան, ալ չես դառնար... համբուրէ զիս...

ԱՍԼԱՆ

Ասպետ մը չի դաւաճաներ իր հօրը...

ՃԷՄԻԼԷ

Վա՛յ այն հօրը...

(Դուռին վրայ կ'երեւին Օսման և Այիշէ:

Այիշէ մատնացոյց կ'ընէ Ասլանն ու ճէմիլէն:
Օսման կատաղօրէն վեր բարձրացուցած բը-
նունցքները):

ՎԱՐԱԳՈՅՐ

Ա Ր Ա Ր Ի Ա Ծ Բ .

ՏԵՍԱՐԱՆ Ա .

Տեսարանն է առաջին արարածի պատկե-
րը: Իրիկնադէմ: Վարագոյրը բացելէ առաջ
ճէմիլէին երգի ձայնը կուգայ եւ վարագոյրը
կը բացւի երգի վերջին տողը երգւած ատեն:
Վարագոյրը բացելուն ճէմիլէ առանձին
կանգնած է բալկօնը: Բեմին խորը կ'երեւի
գիւղը մխացոյ: Մայրամուտի նառագայքնե-
րը կը նւաղին մխացոյ գիւղին վրայ:

ՃէՄԻԼԷ առանձին (կ'երգէ)

*Գացիր, հէ՛յ անգութ, սիրտս հետըզ տարիր .
Գացած ճամբաներդ վարդեր թող բուսնին...
Երնէկ աչքերուն որ դարձդ կը տեսնեն .
Դարձի ճամբայիդ մատաղ իմ հողին...*

ՃէՄԻԼԷ (տխուր ու յուսահատ)

*Իջի՛ր, խաւար, իջի՛ր... Ինչպէս մահը
կ'իջնէ հողիիս վրայ...*

(Այս միջոցին աջ կողմէն բեմ կը մտնեն
Օսման և Այիշէ: Այիշէ կը գուրգուրայ Օսմանի
վրայ, որ ընկնւած երեւոյթ ունի: Այիշէ կը
բերէ Օսմանը, կը նստեցնէ դիւանին վրայ,

ինքն ալ քովը նստելով: Երկուքն ալ չեն նկատեր ձեմիլէն, որ կոնակը դէպի անոնք խորասուզած է տխրութեան մէջ:)

ՕՍՄԱՆ (ընկնւած)

Նստէ՛ քովս, Այիշէ՛... Ներէ ինծի որ քու յարգը չգիտցայ... Ես մեղք գործեցի քու առջեւ, եւ ես գիտեմ իմ մեղքս քաւել... Դուն որ ինձ դաւակ մը չտուիր, բայց միշտ հաւատարիմ մնացիր, ուզէ՛, ի՞նչ կ'ուզես քու հաւատարմութեանդ փոխարէն:

ԱՅԻՇԷ

Քու ողջութիւնդ, բե՛կ, քու սէրդ... Ինչ որ դուն ունիս իմս է արդէն...

ՕՍՄԱՆ

Բայց ես կ'ուզեմ վարձատրել քեզ. դարմանել այն վէրքը որ սիրտիդ վրայ բացի քու սէրդ ուրիշին տալով... (հառաչելով) — Է՛հ, ծերութիւն, ծերութիւն, որ մանկութեան չափ միամիտ ես... (վայրկեան մը լուռ. յետոյ ինքզինքը գտնելով) Քեզի՛, Այիշէ՛, քու հաւատարիմ սիրտիդ ես ընծայ պիտի տամ այն սիրտը, որ ես սիրեցի և որ զիս խաբեց... Ըսէ՛, կ'ուզե՞ս ձէմիլէին սիրտը...

ԱՅԻՇԷ (գոհ բայց կեղծելով)

Ինչե՛ր կը խօսիս, բե՛կ...

ՕՍՄԱՆ

Այո՛, թող աշխարհ լսէ ու զարմանայ թէ

ի՛նչպէս գիտէ պատժել Օսմանը, երբ սիրտն է վերաւոր... (լռութիւն)

ՁԷՄԻԼԷ (հառաչելով)

Հէ՛յ զալըմ աշխարհ, ուր սիրածը սիրածին չի հասնիր բնաւ...

(Օսման և Այիշէ կը դառնան դէպի ձայնը եւ կը տեսնեն ձեմիլէն, որ միշտ միեւնոյն դիրքին մէջ է:)

ԱՅԻՇԷ (կամայց)

Սիրականին ետեւէն կուլայ...

ՕՍՄԱՆ (կատրած ոտքի կանգնելով եւ խօսքը ձեմիլէին ուղղելով)

Հող մի՛ ընէր, չէրքեզի աղջիկ, չուտով սիրածիդ կը հասնիս...

ԱՅԻՇԷ (ոտքի ցատկելով կը բռնէ Օսմանը եւ աղաչական)

Հանդարտէ՛, բե՛կ, հանդարտէ՛... (Ակնարկ մը կը նետէ ձեմիլէին վրայ, որ Օսմանի ձայնին վրայ ետ դարձած ու տեսած է Օսմանն ու Այիշէն: ձեմիլէի եւ Այիշէի հայեացքները վայրկեան մը իրարու գտնւած կը մնան. յետոյ Այիշէ արհամարհական դէմք մը ընելով՝ կը դառնայ Օսմանին, որ կատաղութեան ջգայնուած է:)

Հանդարտէ, բեկս, խնայ դուն քեզի:

ՕՍՄԱՆ կատրած և բռունցքները բարձրացնելով)

Ես ցոյց կուտամ աշխարհին թէ ինչպէս կրնամ չորին հետ թացն ալ այրել... Դո՛ւն... դո՛ւն... երկուքդ ալ մէկ դանակով... երկուքդ ալ մէկ փոսի մէջ... Թող աշխարհը իմանայ թէ Օսմանը կրնայ մէկ դանակով միացընել երկու սիրող սիրտերը...

ՃէՄԻԼԷ (Ֆայլ մը առնելով եւ բազկատարած) Բե՛կ...

ՕՍՄԱՆ (աւելի կատրած)

Պապանձէ՛...

ԱՅԻՇԷ (գրկած Օսմանը և հանդարտեցնել աշխատելով՝ արհամարհական և սաստող ակնարկ մը կը ձգէ ձեմիլէին վրայ և Օսմանը կը բերէ դիւանին վրայ)

Հանդարտէ՛, բեկս, Ասլանը մեղք չունի, զայն գլուխէ հանողը այդ ջլդիկն է: Դուն քու ահանջներով լսեցիր որ ան կ'ըսէր. «ասպետ մը իր հօրը չի դաւաճաներ...»

ՕՍՄԱՆ (կտրուկ)

Մի՛ խօսիր այդ մասին, Այիշէ՛... սիրողին յանցանքը այնքան մեծ է, որ սիրողին արիւնը չի բաւեր զայն քաւելու. սիրողին արիւնն ալ պէտք է... Ասլա՛ն... քսան տարի ես հաց եմ կերցուցեր, քսան տեսակ, պուտ պուտ արիւն ես քեթէն կը բերեմ անոր... (զղագրգիռ) Կանչէ՛ Հասանը, Այիշէ՛, թող այստեղ դայ...

ԱՅԻՇԷ (դէպի աջ դուռը կ'երթայ)
Հասա՛ն, Հասան...

ՀԱՍԱՆ (դուրսէն)

Հանրմ...

ԱՅԻՇԷ

Բեկը քեզ կը կանչէ...

(Այիշէի դէպի դուռը երթալու ատեն Օսման ոտքի կանգնած ջղային շարժումներ կ'ընէ: Այիշէ ետ կը դառնայ և կ'աշխատի հանդարտեցնել փայփայանքներով: Հասան կ'երևի դուռին վրայ:)

ՕՍՄԱՆ (Հասանին՝ հրամայական)

Հասա՛ն, ձեռք հեծիր, ա՛ն քեզի հետ քանի մը հողի և դնա՛ Ասլանին ետեէն: Ողջ-ողջ բե՛ր ինծի եթէ բռնես. զա՛րկ եթէ չկրնաս. իսկ եթէ դիակը գտնես, ճղքէ կուրծքը ու սիրտը ինծի բեր... կամ Ասլանին սիրտը բե՛րես կամ դուն ալ չգաս: Գնա՛...

ՀԱՍԱՆ (անակնկալ հրաման մը առնողի երեւոյթով)

Բե՛կ...

ՕՍՄԱՆ (կտրուկ)

Ո՛չ մէկ խօսք... Օսման բեկն է քեզ հրամայողը... դնա՛, հրամանս կատարէ...

(Հասան կը մեկնի)

ՃէՄԻԼԷ (որ մինչեւ այդ ատեն տխուր ու արձանացած կանգնած էր, խելագարի պէս դէ-

պի Օսման բեկը կը վագէ և ոտքը կ'իյնայ :)
 Բե'կ, բե'կ... խնայէ Ասլանին, ես եմ
 մեղաւորը...

ՕՍՄԱՆ (ոտքով զարնելով ձեմիլէին)

Ես չհարցուցի թէ ով է մեղաւորը... Օս-
 ման բեկին սիրտն է պատուեր... սիրողը
 նոյնքան մեղաւոր է որքան սիրողը... Դուն
 զիս խաբեցիր... (ձեռքերը բարձրացնելով)
 ա', Փահիշէ'... որքան խաբեցիր, նոյնքան
 պիտի տանջեմ քեզ... Ես Օսման բեկն եմ...
 հազար Ասլան կըսպանեմ եթէ զիտնամ թէ հա-
 զար անգամ սիրող կրնամ պատուել...

(Տեսարանի ամբողջ ընթացքին Այիբէ մէկ
 կողմ կանգնած երբեմն գոհունակ, յաճախ ար-
 համարական ակնարկներ կը ձգէ ձեմիլէի
 վրայ)

ՁէՄԻԼԷ (Այիբէ արհամարհական եւ լուռ կը
 մնայ)

Բե'կ, բե'կ... իմ սիրտս սիրեց, իմ սիր-
 տըս խաբեց, (կուրծքը բանալով) ահա իմ
 մեղքիս համար... պատուէ կուրծքս, բայց խը-
 նայէ Ասլանին. մի' մտներ արիւնը կտրիճի մը,
 որի զիտիլն վրայ քարերը պիտի լան... (Օս-
 ման անգութ ու լուռ կը մնայ: ձեմիլէ կանգ-
 նելով և Այիշէ հանրմին դառնալով) Այիշէ'
 հանրմ, դուն միջնորդէ, Ասլանը մեղք չու-
 նի... Ես մեղք գործեցի, ես պատրաստ եմ իմ
 մեղքս մահովս քաւելու... Դուն մահս կը բաղ

ձայլը, մուրադը առիր... արիւնս քեզի հէլալ
 թող ըլլայ, միայն խնայել տուր Ասլանի կեան-
 քը...

(Այիբէ արհամարհական եւ լուռ կը մնայ)

ՁէՄԻԼ

Բե'կ... բե'կ... խնայէ անոր...

ՕՍՄԱՆ (կատրած)

Կորսէ' աչքէս... Երեքէն մինչև ինը մի-
 քեանս ետ կ'առնեմ... Դուն մահապարտ մըն
 ես և պէտք է մեռնիս իբր պոռնիկ մը... Նե'րս.

(ձեմիլէ յուսահատ որ իր աղաչանքները
 չեն լսիր, և վիրաւորած Օսմանի բառէն ցըն-
 ցում մը կ'ունենայ և իր կանացի հպարտու-
 թեանը տիրանալով վայրկեան մը շեշտակի կը
 նայի: Լուրքիւն: Կամաց կամաց ձեմիլէ կ'եր-
 քայ դէպի ձախ դուռը:)

ՁէՄԻԼԷ (դուռին վրայէն)

Չէրքէզի աղջիկը թէ' սիրել զիտէ թէ'
 մեռնիլ զիտէ... (կը մտնէ սենեակ)

(Լուրքիւն)

ԱՅԻՇԷ (աղաչանքով)

Բե'կ... բե'կ... արեւիզ սիրուն, խնայէ
 Ասլանին... Ետ կանչէ Հասանը... ան մեղք
 չունի... ինքն ալ խոստովանեցաւ որ ան յան-
 ցանք չունի...

ՕՍՄԱՆ (հրամայական)

Ո'չ մէկ խօսք...

ԱՅԻՇԷ (աւելի աղաչական)
Բե՛կ...

ՕՍՄԱՆ (կատաղած)

Ո՛չ մէկ խօսք, ըսի... Գնա՛, ըսէ՛ աղա-
խիններուն որ հսկեն այդ պոռնիկին վրայ...
Մինչև գիշեր Հասանը ետ կը դառնայ... Այս
գիշեր ես հարսնիք պիտի սարքեմ, մահի հարս-
նիք, որ աշխարհը չէ տեսեր... (Այիշէ ընկեր-
ւած կը մեկնի աչ դուռէն: Օսման առանձին)

ՕՍՄԱՆ (վայրկեան մը լուռ)

Ը՛... «աշխարհի վրայ ամէն բան կարելի
է...» (վնոական) Թող տեսնէ ուրեմն աշ-
խարհ, որ սիրւողին սիրտը սիրողին կը կերցը-
նեն և անոր զանկով գինի կը խմեն... (լուռ)
Կարելի՛ է... Ասլանին սիրտը քեզի՛ ձէմիլէ...
քու սիրտդ ալ ինձի...

ՏԵՍԱՐԱՆ Բ.

Տեսարանը կը ներկայացնէ ամառի վայր
մը: Խորը սարեր կը բարձրանան. սարերուն
ուտքը նամբայ մը, որ երկուքի կը բաժնուի. մէկ
նամբան սարերու մէջ կը կորուի, միւսը կ'եր-
կարի դէպի դաշտ, որ բեմը կը ներկայացնէ:
Արեւը արդէն մարը մտած է: Երկինքը ամպա-
մած է: Վարագոյրը բացելուն աինաւոր ժան-

դարմ մը բեմ կը մտնէ. ետեւէն խումբ մը տը-
ղամարդեր, կիներ, ծերեր և մանուկներ, ո-
րոնցմէ ոմանք մայրերուն գիրկն են, ոմանք ալ
մայրերու փէշերէն կախած են. կուգան, կը
խոնրին երկու նամբային մէջտեղը: Երկրորդ
ժանդարմ մը անոնց ետեւէն հայեղելով,
հրմետելելով և խարագանը շաշեցնելով բեմ կը
մտնէ:)

Ա. ԺԱՆԴԱՐՄ (պօռալով)

Տղամարդերը մէկ կողմ, կիները միւս
կողմ...

(Բազմութեան մէջ ողբ ու կոծ կըսկսի:
Սարսափի տակ գուլիք կորսնցնողի շարժում-
ներ կ'ընեն բոլորը:)

Ա. ԺԱՆԴԱՐՄ (խարագանը շաշեցնելով)

Կիները մէկ կողմ, ըսի... Այստեղէն պիտի
բաժնուին...

(Տեսնելով որ իր հրամանը չի կատարւի,
կը մտնէ բազմութեան մէջ, կը գարնէ, կը
հրմշտկէ և բ. ժանդարմին հետ կը բաժնէ կի-
ներն ու տղամարդերը: Այս ատեն ոմանք իրար
գրկած կուլան ու կ'ողբան. մանուկներ իրենց
ծնողներու փէշերէն կախած կը ճչան: Ողբ
ու կոծ... Երկինքի ամպերը կը խտանան. ան-
բևի նշաններ. որոտումի ձայներ կը լսին եւ
կայծակ կ'երեւի:)

Ա. ԺԱՆԴԱՐՄ

Հայտէ՛, արա՛գ... Տղամարդերը այդ
ճամբայէն: (Յոյց կուտայ սարերու մէջ անհե-
տացող նամբան:) Բ. Ժանդարմին:) Հայտէ՛...
(Վայնասուն եւ խուճապ)

ՏՂԱՄԱՐԴԵՐՈՒ ԲԱԶՄՈՒԹԻՒՆԸ (Ողբա-
ձայն)

Մնաք բարո՛ւ... մնաք բարով...
(Տղամարդերու բազմութիւնը ժանդարմի

խարագանին տակ հետզհետէ կ'անհետի:)

ԿԻՆԵՐ (ողբաձայն)

Աստուած... Աստուած... մենք ո՞ւր պիտի
մնանք...

ՈՒՐԻՇՆԵՐ (լալով)

Աստուած է խուլցեր, մեր ձայնը չի լսեր...

Աստուած է կուրցեր, մեր ցաւը չի տեսներ...

ՈՒՐԻՇՆԵՐ

Աստուած է տաճկցեր...

ԺԱՆԴԱՐՄ (խարագանը շաչեցնելով)

Հայտէ՛... շատ մի՛ տուտաք... (սարե-
րու ոտքի նամբան ցոյց տալով) Այս ճամբա-
յէն... Հայտէ՛...

ԿԻՆ ՄԸ (գիրկը երախայ մը)

Բէ՛յ-էֆէնտի... Թող տուր զիչ մը հանգ-
չիմ... Աստուածդ սիրես... վերն Աստուած կայ,
բէյ-էֆէնտի... Թեւերս ալ չեն կրնար երա-
խաս տանիլ...

ԺԱՆԴԱՐՄ (կուտ)

Ի՞նչ ընեմ... նետէ՛...

ՈՒՐԻՇՆԵՐ (ողբաձայն)

Բէ՛յ-էֆէնտի, Աստո՞յ սիրուն, զիչ մը
հանգչի՛նք...

ԺԱՆԴԱՐՄ (բարկացած)

Հանգչիլ—մանգչիլ չկայ... քալեցէ՛ք...

(խարագանը կը շաչեցնէ) Հայտէ՛, նայիմ...
Չէ՞ք տեսներ գիշերը եկաւ, երկինքը հիմա կը
փլի...

ԿԻՆԵՐ (ողբաձայն)

Ա՛խ, գիշերը դար ու ալ չուանար... եր-
կինքը փլէր ու մեզ թաղէր...

(կայծակ և որոտում)

ԺԱՆԴԱՐՄ (խարագանելով կիները, որ
խուճապի մատնուած են)

Հայտէ՛, ըսի ձեզի... Հայտէ՛...

(Ոմանք վայնասունով կ'առաջանան. ե-

րեխայ մը նամբային եգերքը ինկած կը մչայ.
կին մը, անկարող փախիլու, կ'իյնայ կիսամեռ:
Այս միջոցին սարերու ետեւէն բարձր աղաղակ
և վայնասուն, որոնց կը յաջորդէ հրացաննե-
րու համագարկ մը:)

ԿԻՆԵՐ (վայնասունով)

Մեռցուցի՛ն... մեռցուցի՛ն...

(Ողբ, կոծ ու խուճապ... կայծակ, որո-

տում և տեղատարափ... կիներ գլուխները կորսնցուցած ամէն մէկը կողմ մը կը վազէ: Բեմին վրայ կը մնայ մանուկ մը, որի ճիչը կը կտրի շուտով՝ և պառկած կին մը, որկը հորնդայ:)

(Վայրկեան մը բեմը այս վիճակին մէջ)

(Թուրք մը մէկ ձեռքը հրացան, միւս ձեռքով շատրպան աղջիկ մը բռնած բեւէն քար կուտայ ետեւէն: Կին մը (մայրը) կէս խելագար, ուսէն վիբաւոր, աղջիկին փեշէն բռնած՝ կը ֆաշէ արգիլելու համար, որպէսզի թուրքը չտանի աղջիկը, բեմ կը մտնեն:)

ՄԱՅՐԸ

Ձե՛մ թողուր, չե՛մ թողուր աղջիկս... զիս ալ տար...

Ա.Ղ.Ջիկը (լալով)

Մայրի՛կ... մայրի՛կ...

ԹՈՒՐԿԸ (միտ ֆաշելով)

Ձգէ՛, հէյ շուն... ինչ ընեմ ես քեզ....

ՄԱՅՐԸ

Ձե՛մ, թողուր, չե՛մ թողուր...

ԹՈՒՐԿԸ (հրացանին կոքով կը գարնէ մօրը, որ գետին կ'իյնայ և կը ֆաշուտէ աղջիկը)

Քալէ՛... կեալուրի աղջիկ...

Ա.Ղ.Ջիկը (ողբաձայն)

Մայրի՛կ... մայրի՛կ...

ՄԱՅՐԸ (նգնելով տեղէն ելնել, բայց չկրնալով)

Աղջի՛կս... աղջի՛կս...

(Կայծակ, որտում և անձրև կը շարունակուին) (Սարին վրայ կ'երևի Ասլանը և մօտը Հիւսէյն)

ԱՍԼԱՆ

Հէ՛յ անասուած... անասուած...

(Թուրքը կը ֆաշուտէ աղջիկը. աղջիկը կ'ընդդիմանայ երթալ:)

ԱՍԼԱՆ (թուրքին)

Հէ՛յ զալլած... ձգէ՛ այդ աղջիկը... ձգէ՛, կ'ըսեմ...

(Թուրքը տակաւին կը ֆաշուտէ աղջիկը տանելու համար)

ՄԱՅՐԸ (ձեռքերը պարզած)

Աղջի՛կս... աղջի՛կս...

ԱՍԼԱՆ (ատրնանակը ուղղելով)

Ձգէ՛, կ'ըսեմ, կամ շունի պէս կը սատկեցընեմ քեզ...

(Թուրքը տակաւին չի թողուր: Ասլան ատրնանակը կը կրակէ, որի վրայ թուրքը աղջիկը ձգած կը փախի:)

Ա.Ղ.Ջիկը (վազելով դէպի մայրը և գրկելով գայն կը հեկեկայ)

Մայրի՛կ... մայրի՛կ...

(Ասլան և Հիւսէյն վար կ'իջնեն և կը մօտենան մօրը և աղջիկին քով: Աղջիկը անոնք

տեսնելով՝ միջով մը աւելի պինդ կը գրկէ մայրը :

ՄԱՅՐԸ

Չէ՛... չէ՛... չե՛մ թողուր... չե՛մ թողուր աղջիկս... գիտ ալ տարէք...

ԱՍԼԱՆ (վստահար)

Մի՛ վախնար, մայրիկ, աղջիկդ չենք տանիր...

ՄԱՅՐԸ

Չէ՛... չէ՛... չե՛մ թողուր... (կը գրկէ աղջիկը)

ԱՍԼԱՆ

Մի՛ վախնար, մայրիկ, քեզ ալ կը տանիմ... (կ'ուզէ ձեռք տալ վերցնելու համար)

ՄԱՅՐԸ (սարսափով և պինդ գրկելով աղջիկը)

Չէ՛... չէ՛... աղջիկս... մի՛ տանիք աղջիկս...

(վայրկեան մը լուռ)

ԱՍԼԱՆ (ինքնիրեն և տխուր)

Հէ՛յ անասուածներ... (գուրգուրանքով)

Մայրի՛կ, կուզա՞ս ինձի հետ... մի՛ վախնար, ես գէշ մարդ չեմ... քեզ ալ կը տանիմ, աղջիկդ ալ, որ այլեւս անասուածներու ձեռքը չի յնաս... մի՛ վախնար, կը տանիմ ու կը պահեմ ձեզ, մինչև որ այս սեւ օրերը անցնին...

(Աղջիկը և մայրը վստագին ու զարմացած կը նային Ասլանի երեսը)

Ի՞մ տունս շատ հեռու չէ: Եկո՛ւր, մայրիկ, այս անձրեւին տակ դուք կը մեռնիք...

ՄԱՅՐԸ (լալագին)

Ա՛խ, մահն ալ երեսէ ձգեր է մեզ...

ԱՍԼԱՆ (Հիւսէյնին)

Հիւսէյն, օղնէ ինձի... (ձեռք կուտայ կանգնեցնելու համար մայրը)

ՄԱՅՐԸ (Հիւսէյն անունին վրայ ունայ)

Հիւսէ՛յն... չէ՛... չէ՛... (լալով բարձրաձայն) Հիւսէյնները լաւ մարդ չեն... Հիւսէյն մը տարաւ տղաս... Հիւսէ՛յն... չէ՛... չէ՛... աղջիկս... (կը գրկէ աղջիկը)

Հի՛սՍէ՛ՅՆ (մեղմ ձայնով և հակած)

Ես այն Հիւսէյնը չեմ, քուրո՛ւկ... մի՛ վախնար, քու տղադ ալ կը գտնենք...

ՄԱՅՐԸ

Ա՛խ, ի՞մ տղա՞ս ալ... քսան տարի է չէ գտնուեր... դո՛ւք պիտի գտնէք...

Հի՛սՍէ՛ՅՆ (ձեռք տալով)

Կը գտնենք, քուրո՛ւկ, կը գտնենք...

ՄԱՅՐԸ (Հիւսէյնի նայելով և սարսափած)

Ա՛... չէ՛... չէ՛... (կուլայ) դուն տանիր ու սպանցիր... չէ՛... չէ՛... չե՛մ թողուր

աղջիկս... չե՛մ թողուր...

(Մայր ու աղջիկ գրկած կուլան: կայծակ
և որսոտում)

ԱՍԼԱՆ (ընկնւած ու տխուր)
Հէ՛յ, Անասուածներ...

ՏԵՍԱՐԱՆ Գ.

Տեսարանն է Օսման բեկի տունը. առաջին արարի սենեակը, միայն թէ սեղան մը կայ բեմին խորը, կեդրոնէն քիչ մը դէպի ետ: Սեղանին վրայ ոգելից ըմպելիներու շիշեր և գաւաթներ: Բեմը լուսագարդած է: Ժամանակը կէս գիշերէն յետոյ. արշալոյսի մօտ: Վարագայրը բացելուն Օսման գլուխը բաց, կէս գիշերով վիճակի մէջ, կանգնած է սեղանին ճով, գաւաթ մը գինի կը լեցնէ: Ճէմիլէ բեմին մէկ անկիւնը, մագերը արձակած, քրտնած ու կարմրած, յայտնի է որ երկար ատեն պարեր է և հոգեկան խռովքը տանջեր է զինքը: Ճէմիլէ կատաղի հայեացքով մը կը նայի Օսմանի եւ կարծես ծրագիր մը կը չափչփէ:

ՕՍՄԱՆ (գինիին գաւաթին նայելով և անյագօրէն խմելով)

Պարէ՛, դէ՛հ, պարէ... Մահիդ պարը պարէ... դուն դիշեր մը ունիս կեանքի, ես դիշեր մը ունիմ... ա՛խ... երանի՛ թէ այս դիշերը

բնաւ չըսնար... (գաւաթ մըն ալ կը խմէ և խռովայոյզ) Ի՛նչ որ դուած է չաւրելի... (ինքզինքը գտնելով) բայց... պարէ՛... պարէ՛... դիշերը շուտով կը վերջանայ... վերջացուր մահիդ պարը... թող մարմինդ քրտնի ու ծիծերէդ քրտինքդ պուտ-պուտ կաթկթի... Ես դանակս չեմ իւղոտեր, քրտինքդ անոր իւղ, որ երկու ծիծերուդ մէջտեղէն ան մինչև սիրտդ հասնի... պարէ՛, դէ՛հ, պարէ... քու պարէդ ես չեմ կշտանար...

(Ճէմիլէ Օսմանի հոգեկան տրամադրութիւնները օգտագործելու համար դափը կը շխրտացնէ և կըսկսի պարը մարմնական ծեփ-ծեփումներով:

ՕՍՄԱՆ (գաւաթ մը եւս կը խմէ և երեքաւով կուգայ, կը նստի դիւանին վրայ և զգըլխած կը դիտէ Ճէմիլէն, որ կը պարէ: Դէմիլէ արտայայտութենէն կ'երեւի որ հոգեկան մեծ խռովքի մէջ է: Ինքզինքը գտնել նգնելով:)

Դարձի՛ր, դարձի՛ր, ու գլուխս դարձուր... Ես բա՛ր... մի՛ թողուր որ թուլնամ ես...

ՃէՄԻԼԷ (վայրկեանը հասած համարելով՝ պարելով գաւաթ մը գինի կը բերէ)

Բե՛կ...

ՕՍՄԱՆ

Ա՛խ, այդ ձայնը, որ այլեւս չպիտի լսեմ յաւիտեան... Տո՛ւր, տուր որ խմեմ այդ ձեռ-

քէն, որ ինծի թոյն խմցուց... (կը գրկէ տըռ-
փալից) խմցուր... ձէմիլէ'... դուն քու ձեռ-
քովդ խմցուր... (ընկնւած) Ես ամենէն երջա-
նիկն էի մարդերուն, ինչո՞ւ զիս ամենէն զըժ-
բաղըը ըրիր... Քեզ հոգիս մէջ կը պահէի,
ինչո՞ւ հոգիս թունաւորեցիր... ձէմիլէ'....
չեմ գիտեր ե՞ս եմ զո՞հը թէ դուն... դանակը
ձեռքիս մէջ կը դողայ...

ՁԷՄԻԼԷ

Բե'կ... (գինին կը խմցնէ)

ՕՍՄԱՆ

Խնդրէ'... ձէմիլէ'... (Օսման կը գրկէ
աւելի սեղմ: Ձէմիլէ անոր տկար վայրկեանը
օգտագործելու համար կը թողու, միւս ձեռ-
քով Օսմանի մէջքէն խանչալը կը քաշէ առանց
զգացնելու:)

(Դուտին վրայ կ'երեւի Այիշէի գուլթը:
Հասան կ'երեւի դուտին վրայ:)

ՀԱՍԱՆ

Բե'կ, Ասլանը եկաւ... երկու հայ կնիկ
բերեր է հետը...

ՕՍՄԱՆ

Դո՛ւն ալ սիրտը բեր ինծի... սիրտը բեր...
(Հասան և Այիշէ կը կորսւին)

ՁԷՄԻԼԷ

Բե'կ... Ասլանի կեանքին խնայէ... և իմ
սիրտս հէլալ ըլլայ քեզ...

ՕՍՄԱՆ

Սիրւողին սիրտը սիրողին պիտի տամ...
Ասլանին սիրտը քեզի, ձէմիլէ'... քու սիրտդ
ալ ինծի... (կ'ուզէ սեղմել կարծֆին վրայ եւ
համբուրել)

ՁԷՄԻԼԷ (գազանացած՝ ոտքի կանգնելով)

Իսկ քո՞ւ սիրտդ...

(Օսման ձեռքը կը նետէ խանչալին և չգըտ-
ներ. ձէմիլէ առանց ժամանակ տալու դաշոյ-
նը կը խրէ Օսմանի կարծքը, յետոյ արիւնոտ
դաշոյնը ձեռքը վայրկեան մը կատաղի ակնարկ
մը կը ձգէ Օսմանի վրայ, որ կը ճգնի կանգնիլ
ու կը շտկի ատրճանակը քաշելով... Ձէմիլէ
խելագարի պէս դէպի դուրս կը վազէ... Օս-
ման կը կրակէ ատրճանակը անոր ետեւէն ու
կ'իյնայ)

(ՎԱՐԱԳՈՅՐ)

Ա Ր Ա Ր Ի Ա Ծ Գ .

ՏԵՍԱՐԱՆ Ա .

Տեսարանն է Օսման բեկի տունին բակը : Գործողութիւնը տեղի կ'ունենայ այն ժամին, երբ Օսման և ձէմիլէ միասին են : Տախտակի մը վրայ երկնցուցած են մայրը : Ասլան մէկ կողմէն վերջերը կը կապէ եւ միւս կողմէ կ'առ-խատի հանդարտեցնել գայն : Աղջիկը արտասուալից գրկած է մօրը գլուխը : Հիւսէյն կանգնած է տխուր մօրը դիմացը : Տեսարանին խորը փողոց տանող դուռն է փակ վիճակի մէջ . իսկ աջ կողմը կայ մուտք մը դէպի տուն առաջնորդող :

ԱՍԼԱՆ

Օգնէ ինձ, Հիւսէ՛յն...

(Հիւսէյն կը մօտենայ)

ՄԱՅՐԸ (նշալով և գրեթէ անգիտակից իր խօսածներուն)

Չէ՛... չէ՛... չեմ թողուր աղջիկս... ան

տարաւ զաւակս... (աղաչելով Ասլանին) մի՛ թողուր... մի՛ թողուր... մի՛ թողուր որ աղջիկս տանի... (կը գրկէ աղջիկը : Հիւսէյնի դէմքը նայելով) Ես կը յիշեմ իր դէմքը...

ԱՍԼԱՆ (հանդարտեցնել աշխատելով)

Չէ՛, մայրիկ, մի՛ վախճար, Հիւսէյնը դէ՛ռ մարդ չէ... ան շատ բարի է... ինձի չափ բարի... ան աղջիկդ չի տանիր... ես չեմ թողուր...

ՄԱՅՐԸ (Հիւսէյնին)

Ո՛ւր տարիր զաւակս... ա՛, մեռցուցիր... հեռո՛ւ... հեռո՛ւ... (դէմքը կը ծածկէ եւ կուլայ) Չէ՛... չէ՛... ան տարաւ զաւակս... Հայկակս... (կը հեկեկայ)

ԱՍԼԱՆ (աղջիկին)

Ո՞վ է Հայկակը...

ԱՂՋԻԿԸ (արտասուալից)

Իմ եղբայրս է եղեր, բե՛կ... քսան տարի առաջ կոտորածին ջիւրտ մը հայրս է սպաներ, ջիւրտ մըն ալ իմ չորս տարեկան եղբայրս է տարեր...

ՄԱՅՐԸ

Հայկակս...

ՏԵՍԱՐԱՆ Բ.

1895-ի ջարդի օրերը: Տեսարանն է սարի մը կուշտը. որի փեշերը տարածուող գիւղը կը մխայ: Սարին կուշտը դիակներ փուած են աս-դին անդին. հրացանի ձայներ կը լսին դուրսէն. ողբի ձայներ և հոգեվառֆի հոնդիւններ դուրսէն: Տղամարդ մը նստած է վիրաւոր. կին մը ձախ թելով մէկ տարեկան երեխայ մը գըրկած. իսկ չորս տարեկան մանչ մըն ալ կախուած է մօրը փեշէն լալով—նչլով: Երկու ֆիւրտեր, մէկը սուրը բարձրացուցած կանգնած է տղամարդին դիմաց:)

ՏՂԱՄԱՐԴ (աղաչելով)

Խնայէ՛ կեանքիս... ունեցած-չունեցածս առի՛ր, կեանքս շնորհէ այս որբուկներուն... (կինը կը վազէ ֆիւրտին վրայ, կը բռնէ թելը, որ սուրը բարձրացուցեր էր. ու ետ կը ֆէէ գայն և կ'անցնի ֆիւրտին ու ամուսինին մէջտեղ:)

ԿԻՆԸ

Խնայէ՛... խնայէ՛... Աստժո՛ղ սիրոյն... Մուհամմէտի սիրոյն... Չահիլ արեւիդ սիրոյն... դժբա երկու որբուկներուս...

ՔԻԻՐՏԸ (վիրաւորած ու կատաղած կնիկի յարձակումէն, հրացանին կոթով կը հարւածէ կինը, որ սակայն կը յամառի մնալ երկուքին

մէջտեղ, աջ ձեռքը տարածելով պաշտպանողի մը պէս) *Վա՛յ, անհաւատ շուն... կեանքիդ կին մը եւ... (սուրը բարձրացուցած ատաջ անցնի կ'ուզէ. կինը կը բռնէ թելը: Վերջապէս ֆիւրտը նարահատ կը ֆաշի մէկ կողմ եւ ատրճանակը կը կրակէ: Տղամարդը զարնւած կ'երկնայ)*

ԿԻՆԸ

Ա՛խ, անասուածներ... անասուածներ... (ողբ ու ճիչով կը վազէ դէպի ամուսինը, երեխան կը ձգէ գրկէն. կ'իյնայ ամուսինին դիակին վրայ և բարձրաձայն կուլայ: Չորս տարեկան երեխան ալ մօրը քով կ'իյնայ հօրը դիակին վրայ և կուլայ:)

(Սպանող ֆիւրտը գոհունակ իր գործէն և բեռէ մը թեթեւցած— *Հիւսէ՛յն, վերցո՛ւր այդ մանչուկը:* (կ'անհետի: Երկրորդ ֆիւրտը կը վերցնէ չորս տարեկան երեխան եւ կը գրկէ ու կըսկսի ֆախի:)

ԵՐԵՆԱՆ (նշալով ու լալով)

Մայրի՛կ... մայրի՛կ...

ԿԻՆԸ (թողելով ամուսինին դիակը և ձեռքերը տարածած դէպի ֆիւրտը, որ կ'անհետը)

Տէ՛ք... տէ՛ք... ո՛ւր կը տանիք դաւակս... անասուածներ... էրիկս սպաննեցի՛ք... ո՛ւր կը տանիք Հայկակս... (նշալով) Հայկակս... (կ'իյնայ գետին)

ՏԵՍԱՐԱՆ Գ.

Պատկերը առաջին տեսարանն է: Բակը:
վարագոյրը բացւելուն բոլորը կուլան:
Հիւսէյն սարսափած վիճակի մէջ է

ՄԱՅՐԸ

Հայկա՛կս... անասունածներ...

ՀԻՒՍԷՅՆ (սարսափած)

Ասլա՛ն... Ասլա՛ն...

ԿԻՆԸ (բանդագուսանքի մէջ)

Ձէ՛... աղջիկս... ո՛ւր կը տանի՛ք աղ-
ջիկս...

ԱՂՋԻԿԸ (արտասուագին)

Մայրի՛կ... ճայրի՛կ... ես այստեղ եմ,
քու քովդ...

ՀԻՒՍԷՅՆ (միշտ սարսափի մէջ)

Ասլա՛ն... Ասլա՛ն... մայրդ է...

ԱՍԼԱՆ (Յատկելով, վայրկեան մը ուսա-
կորոյս, յետոյ բռնելով ու ցնցելով Հիւսէյ-
նը)

Ի՞նչ կը խօսիս, Հիւսէ՛յն... Ի՛նչ կը խօ-
սիս...

ՀԻՒՍԷՅՆ (միշտ նոյն վիճակով)

Մայրդ է, մայրդ... Իրաւ է... ես եմ այն

Հիւսէյնը, որ քեզ գրկեցի ու բերի...

ԱՍԼԱՆ (վայրկեան մը չհասկնալով կար-
ծես եղածը. յետոյ յանկարծ պոռթկալով)

Եւ ո՛վ է հայրս սպանողը...

ՀԻՒՍԷՅՆ

Հա՛յրդ... Օսման բե՛կը...

ԱՍԼԱՆ (խելագարի պէս)

Օսման բե՛կը... ա՛... քսա՛ն տարի...
եւ ես հօրս, հարազատ հօրս արիւնն եմ կե-
րեր... ա՛... հա՛յրս... Օսման բեկը...:

ԱՂՋԻԿԸ (լալով ու մայրը գրկելով, որ
հոգեվարքի մէջ է)

Մայրի՛կ... մայրի՛կ... աչքերդ բաց...
ա՛... կը մեռնի...

ԱՍԼԱՆ (աղջիկին ձայնին վրայ կարծես
սքսափած կը վագէ դէպի մայրը և գրկելով)

Մայրի՛կ... մայրի՛կ... աչքերդ բա՛ց...
ես զաւակդ եմ... ես Հայկակդ եմ...

ՄԱՅՐԸ (աչքերը կը բանայ կը նայի Աս-
լանի երեսը և մարող ձայնով)

Հա՛յ... կա՛կ... (կը մեռնի Ասլանի թե-
ւերուն մէջ)

(Ասլան կը համբուրէ մօրը դէմքը... աղ-
ջիկը ինկած՝ կուլայ դիակին վրայ)

(վայրկեան մը ողբ ու հեկեկանք)

ԱՍԼԱՆ (ընկնւած՝ բայց ինքզինքն գտնել
նզնելով՝ կը դնէ մօրը դիակը տախտակին վը-
րայ: կը բռնէ քրոջը ուսէն և վերցնելով գայն
դիակին վրայէն, վայրկեան մը լուռ ու երա-
զուն կը նայի անոր դէմքը)

Քո՛յր իմ...

(Այս միջոցին ձեմիլէ հերարձակ, վիրաւորած, բայց արիւնոտ դաշոյնը ձեռքը աջ մուտքին վրայ կը կանգնի:)

ՃԻՄԻԼԷ

Ա՛սլան... Ա՛սլան...

ԱՍԼԱՆ (կը թողու բոյրը և մեքենական արժուանով ցատկելով՝ դէպի ձեմիլէն կը մօտենայ) *ձէմիլէ՛...*

ՃԻՄԻԼԷՆ (ուժասպառ քայլ մը կ'առնէ դէպի Ասլանը)

Ա՛սլան... (կ'իյնայ Ասլանի գիրկը) սպանեցի՛... կը մեռնի՛մ... քեզ սիրեցի... հայրդ սպանեցի...

ԱՍԼԱՆ

Հա՛յրս... (կը բռնէ ձեմիլի աջ ձեռքը, որ դաշոյնը ասին մէջ կախած է ու կը համբուրէ ձեռքը:)

ՃԻՄԻԼԷ

Ասլա՛ն... ես մահիս պարը պարեցի... դուն մահիս համբոյրը համբուրէ... (աչքերը սեւեռուն Ասլանի երեսին, կըսպասէ որ համբուրէ)

(վայրկեան մը լուռ)

(ձեմիլէ Ասլանի գիրկը, մագերը կախ Ասլանի թեւերէն վար. ձեմիլէի աչքերը կը մարմըրին: Ասլան տենդագին կը համբուրէ ձեմիլէն, որ կը մեռնի)

(վ Ե Ր Զ)



ՀԵՂԻՆԱԿԻՆ ԳՈՐԾԵՐԸ

- 1— Շանթեր (սպառած) 15 ս.
- 2— Ամպեր (սպառած) 25 ս.
- 3— Օրէնքի եւ Ընկերութեան Զոհերէն 25 ս.
- 4— Քաւութեան Երգեր 10 ս.
- 5— Մարդը (Թատերգ. — սպառած) 25 ս.
- 6— Աշխարհի Յեղափոխութիւնները (Թարգմ.) 35 ս.
- 7— Սէրի եւ Ատելութեան Երգեր \$1.00
- 8— Կարգաւոր Հայրեր (սպառած) 25 ս.
- 9— Վրէժի Աւետարան, Ա. գիրք (սպոծ.) 25 ս.
- 10— Ասլան բեկ (Թատերգ.) 35 ս.

ՄԱՍՈՒԼԻ ՏԱԿ

Վրէժի Աւետարան, Բ. գիրք

« Ազգային գրադարան



NL0355605

45599

ԳԻՆ՝ 35 ՍԷՆՏ